



# JU KANTONALNA BOLNICA ZENICA DIREKTOR

Adresa: Crkvice 67, 72000 Zenica, Bosna i Hercegovina Direktor: 032 447 010  
Centrala: 032 447 000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 33-11-3589/20  
Zenica, 01.07.2020. godine.

Na osnovu člana 69. i 70. Zakona o javnim nabavkama ("Službeni glasnik BiH" broj: 39/14), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016. godine), direktor Kantonalne bolnice Zenica, donosi

## ODLUKU

### I

Vrši se odabir ponude ponuđača "WIZARD HEALT" D.O.O. MOSTAR, kao najpovoljnijeg i jedinog ponuđača za nabavku usluge održavanje i servisiranje LIS-a, modul transfuzija, laboratorija i mikrobiologija za potrebe JU Kantonalna bolnica Zenica (tender broj: 32-N-59/20), ukupne ponuđene vrijednosti 44.280,00 KM bez PDV-a uz zaključivanje Ugovora na period od 1 /jedne/ godine.

Sa odabranim ponuđačem iz stava 1. ovog člana zaključit će se Ugovor na period od 1 /jedne/ godine nakon pravosnažnosti Odluke, na ponuđeni iznos u vrijednosti od 44.280,00 KM bez PDV-a.

### II

Javna nabavka je provedena putem pregovaračkog postupka sa objavom obavještenja o nabavci sa namjerom provođenja e aukcije.

### III

Ova odluka stupa na snagu danom donošenja.

## OBRAZLOŽENJE

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za nabavku usluga: **Održavanje i servisiranje LIS-a, modul transfuzija, laboratorija i mikrobiologija u JU Kantonalna bolnica Zenica (32-N-59/20)**, imenovana Odlukom direktora broj: 20/1-4608/4 od 08.05.2019. godine podnosi direktoru JU Kantonalna bolnica Zenica izvještaj o provedenom postupku javne nabavke usluga: **Održavanje i servisiranje LIS-a, modul transfuzija, laboratorija i mikrobiologija u JU Kantonalna bolnica Zenica (32-N-59/20)**.

Odlukom direktora broj 01-02-364/20 od 20.05.2020.godine pokrenut je postupak javne nabavke usluga: **Održavanje i servisiranje LIS-a, modul transfuzija, laboratorija i mikrobiologija u JU Kantonalna bolnica Zenica (32-N-59/20)**, ukupne procijenjene vrijednosti **44.300,00** KM bez PDV-a na jednogodišnjem nivou, pregovaračkim postupkom sa objavom obavještenja o nabavci, a u skladu sa članom 20. st.1.tačka b) Zakona o javnim nabavkama.

Pregovarački postupak sa objavom obavještenja je odabran za korištenje iz sljedećih razloga:

Predmetna nabavka je definisana u Planu javnih nabavki za 2020. godine pod rednim brojem II-2-2.12, II-2-2-.13. i II-2-2-.15. Članom 20. stav (1) tačka b) Zakona o javnim nabavkama propisano je da ugovorni organi mogu ugovore dodjeljivati putem pregovaračkog postupka, sa objavljivanjem obavještenja o nabavci, u izuzetnim slučajevima, kada zbog prirode robe, usluga ili radova ili zbog rizika povezanih sa izvršavanjem predmeta nabavke nije moguće prethodno određivanje ukupne cijene.

Obzirom da priroda usluga određuje specifične uslove i zahtjeve za realizaciju predmetne javne nabavke smatramo da su ispunjeni uslovi za primjenu pregovaračkog postupka sa objavom obavještenja.

Predmetna javna nabavka objavljena je na portalu javnih nabavki dana **03.06.2020. godine** broj obavještenja o nabavci: **669-3-2-238-3-236/20** od i objavljena u Službenom glasniku, sa rokom za prijem zahtjeva za učešće 19.06.2020. g. do 10,00 sati, i otvaranjem ponuda/zahtjeva za učešće zakazanim za dan 19.06.2020. g. u 10,05 sati.

**Komisija konstatuje da su prema izvještaju o preuzimanju tenderske dokumentacije od strane ponuđača, I fazu nadmetanja, odnosno predkvalifikaciju preuzela ukupno 8 (osam) potencijalnih ponuđača, a zahtjev za učešće/ponudu dostavilo je 1 (jedan) kandidat:**

**1. "Wizard Health" d.o.o. Mostar**

**Komisija je tražila dostavu sljedećih dokumenata kako bi kandidati dokazali svoju kvalificiranost:**

**1. Uslovi za kvalifikaciju i potrebni dokazi**

**2. Izjave o uslovima za pružanje usluga i obezbjeđivanju servisne podrške (Izjave o ekskluzivnim pravima i pružanju servisne podrške)**

- Izjava kandidata da jedini raspolaže ekskluzivnim pravima i tehničkim mogućnostima za održavanje/servisiranje APLIKATIVNOG SOFTVERSKOG RJEŠENJA RGB – MIKROBIOLOGY ZA MIKROBIOLOŠKI LABORATORIJ koje je implementirano u Službi za mikrobiologiju Kantonalne bolnice Zenica, i nadogradnju istog,
- Izjava kandidata da jedini raspolaže ekskluzivnim pravima i tehničkim mogućnostima za održavanje/servisiranje APLIKATIVNOG SOFTVERSKOG RJEŠENJA RENOVATIO -transfuzijskog informacionog sistema, koje je implementirano u Transfuzijskom centru Kantonalne bolnice Zenica, i nadogradnju istog,
- Izjava kandidata da jedini raspolaže ekskluzivnim pravima i tehničkim mogućnostima za održavanje/servisiranje APLIKATIVNOG SOFTVERSKOG RJEŠENJA RGB ANALYSIS laboratorijskog informacionog sistema koje je implementirano na Odjelu medicinsko biohemijske i imunološke dijagnostike Kantonalne bolnice Zenica, i nadogradnju istog,
- Izjava ponuđača da ima radno angažovanog minimalno jednog servisnog inženjera osposobljenog i certificiranog za održavanje softverske i hardverske (serverske) infrastrukture,
- Izjava ponuđača ovjerena kod nadležnog organa (općinskog organa uprave ili notara) o davanju garancije na funkcionalnost sistema i raspoloživost istog 98,5%, pored planiranih gašenja sistema, kroz razdoblje od 36 mjeseci, odnosno da je u cijenu uključeno kompletno servisiranje i održavanje sistema prema tehničkoj specifikaciji iz Obrasca za cijenu ponude. Obaveza raspoloživosti od strane Davaoca usluga ne uključuje one slučajeve u kojima je obezbjeđivanje uvjeta neophodnih za pristup obaveza samog Korisnika, uključujući zastoje sistema zbog neispravnog rada hardverske opreme, električnih i lokalnih IT mreža, nedostatka zaštite od virusa, narušavanja sigurnosnih procedura pristupa i međunarodne sabotaze.
- Izjava ponuđača na odziv serviseru u kritičnim situacijama 4 sata, a van radnog vremena 8 sati od momenta prijave kvara od strane nadležne osobe korisnika usluga, a u ostalim slučajevima prema detaljnom opisu servisnog plana iz specifikacije tehničkih zahtjeva, te da će sve obaveze iz Ponude izvršiti pravovremeno, kvalitetno i savjesno, u cijelosti u skladu sa pravilima struke, te predlagati najpovoljnija rješenja, primjenjujući savremene metode i procedure važeće za ovu vrstu djelatnosti u svijetu.
- Izjava ponuđača da će raditi redovne obilaskе sistema od strane serviseru najmanje dva puta godišnje, putni troškovi neće biti dodatno fakturirani,
- Izjava ponuđača o kontinuiranom radu na otklanjanju prijavljenog kvara sve dok se kvar ne otkloni, a što znači dovođenje sistema u funkcionalno ispravan rad,
- Izjava ponuđača da njegovi serviseri obavljaju programska osvježenja glavne verzije u skladu s ugovorom, ili instalaciju potencijalnih sistemskih zakrpa putem VPN veze uz pomoć uređaja za daljinsko nadgledanje kojim korisnik raspolaže, najkasnije 2 mjeseca od izdavanja istih
- Izjava ponuđača da će njegovi serviseri pregledati i/ili popraviti nedostatke na programu putem VPN veze i uz pomoć uređaja za daljinsko nadgledanje na raspolaganju korisnika
- Izjava ponuđača da preuzima obavezu da njegovi serviseri na lokaciji pregledaju i/ili poprave nedostatke na programu, ukoliko obavljanje popravaka putem veze za daljinsko nadgledanje nije moguće zbog problema koji se javlja na strani serviseru.
- Izjava ponuđača da preuzme obavezu da prilagodbi programa korisniku koje se pokazu od velike važnosti u radnim procesima korisnika, bez dodatne naknade.
- Izjava ponuđača da će ukoliko bi se pojavila potreba planskog gašenja sistema radi pružanja usluga serviseru, poduzeti sve potrebno da korisnika obavijesti u pisanoj formi, a najmanje sedmicu dana unaprijed.

- Izjava ponuđača da ukoliko, korisniku nastanu bilo kakve štete za koje je dokumentovano odgovoran serviser, izvršilac usluga je dužan korisniku platiti štetu u skladu sa odredbama Zakona o obligacionim odnosima, s tim da se izvršilac usluga se neće teretiti za nastalu štetu ukoliko:
  - je uzrokovana promjenom od strane korisnika na konfiguraciji ili u radnoj okolini u koju je smješten hardver ili softver komponente;
  - je uzrokovana hardverskim ili softverskim komponentama koje nisu nabavljene od izvršioca, a koje rade sa sistemom ili mogu utjecati na sistem.
  - korisnik ne osigura tehničke uslove za opremu, neophodne da bi se osigurala neprekinuta pohrana podataka (redundant data saving),
  - u slučaju da su zadovoljene tehničke potrebe omogućavanja neprekinute pohrane podataka, korisnik tim uređajima ne rukuje na profesionalan način,
  - U slučaju da gubitak, rasipanje ili promjena u podacima nije uzrokovano od strane serviser a i/ili nema utjecaja na uslugu koju serviser ili osoba koja nastupa u njegovo ime pruža.
- Izjava ponuđača da u okviru ugovora o nabavci usluga obezbijedi detaljan plan rada u slučaju prirodne katastrofe ili većih kvarova (ispada sistema).
- Spisak osoba koje pristupaju putem veze za daljinsko nadgledanje sa potpisanom Izjavom o čuvanju poslovne tajne i primjerenom rukovanju informatičkom imovinom korisnika za sve osobe implementatora koje će obavljati ugovorene poslove. U slučaju promjena podataka na popisu osoba, implementator se obvezuje dostaviti korisniku potpuno novi ažuriran popis osoba.
- Izjava ponuđača da će čuvati svaku informaciju koju su radnici izvršioca usluga u sklopu ovog ugovora saznali kao tajnu. Ova pretpostavka obuhvata, sve informacije koje spadaju u nadležnost Zakona o zaštiti ličnih podataka i Zakona o pravima, obavezama i odgovornostima pacijenata. Serviseri zadržavaju pravo da neophodne informacije prenesu svojim zaposlenicima i mogućim partnerima u provedbi preuzetih obaveza, u mjeri neophodnoj za izvršenje preuzetih obaveza, uz poštivanje odredbi o tajnosti.
- Izjava ponuđača da će serviser da redovno izvršava sve zadatke neophodne za osiguranje trajnog rada uređaja za sprječavanje ne funkcioniranja, uz poseban naglasak na zadatke navedene u tekstu ispod:
  - Održavanje baze podataka (**DNEVNO ARHIVIRANJE** baza podataka, aplikacije i sistemskih fajlova i provjera integriteta podataka);
  - u slučaju spajanja sa sistemom treće strane, uspostavljanje kontakta s trećom stranom, te dogovora i provjerava dužnosti treće strane;
  - Provjera raspoloživih IT resursa (stabilnost serverske infrastrukture, instrukcije za poboljšanje postojeće i kontinuirani monitoring, uključujući i podršku dislociranoj mobilnoj komponenti);
  - Analiza serverskih log fajlova i mjesečno izvještavanje IT službe korisnika;
  - Mjesečno pohranjivanje sistemskog softvera na servere;
  - Osiguranje pristupa svemu pohranjenom – obezbjeđen pristup ovlaštenom IT osoblju korisnika;
  - Obezbjediti softverski monitoring rada svih servera, u koji će imati uvid IT služba korisnika;
  - Kreirati karakteristične mjesečne statističke izvještaje, koji će biti dostavljani uz mjesečni račun, a u koji će imati uvid i IT služba korisnika.

### 3. Uslovi za kvalifikaciju i potrebni dokazi

#### 3.1. Lična sposobnost kandidata (član 45. Zakona o javnim nabavkama BiH)

U svrhu dokazivanja lične sposobnosti kandidat je dužan dokazati da:

- a) u krivičnom postupku nije osuđen pravosnažnom presudom za krivično djelo organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrđivanju stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi s plaćanjem direktnih i indirektnih poreza u skladu s važećim propisima u Bosni i Hercegovini ili zemlji u kojoj je registrovan.

U svhu dokazivanja kvalifikovanosti, kandidat je dužan dostaviti Izjavu o ispunjenosti uslova iz člana 45. stav (1) tačka a) do d) Zakona o javnim nabavkama BiH, Prilog broj 2 (u prilogu ove TD), ovjerenu kod nadležnog organa, kao i obične kopije slijedećih dokumenata:

- a) izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan
  - b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
  - c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje
  - d) potvrde nadležne/ih institucija o uredno izmirenim obavezama po osnovu direktnih i indirektnih poreza.
- Izjava ne smije biti starija od 15 dana od dana predaje ponude.

Ukoliko kandidat bude odabran kao najpovoljniji ponudjač, dužan je dostaviti original ili ovjerene kopije dokumenata navedenih u tački 7. u svrhu dokazivanja činjenica datih u Izjavi. Original ili ovjerene kopije dokumenata ne mogu biti stariji od tri (3) mjeseca, računajući od momenta predaje ponude i moraju sadržavati potvrdu da je u momentu predaje ponude kandidat ispunjavao sve uslove koji se traže TD, u protivnom će se smatrati da je kandidat dao lažnu izjavu iz člana 45. Zakona o javnim nabavkama BiH. Dokaze je izabrani ponudjač dužan dostaviti na adresu ugovornog organa u roku od 5 (pet) dana od dana zaprimanja obavještenja o dodjeli ugovora.

Kao dokaz o ispunjavanju uslova iz tačke 7. pod c) i d), ugovorni organ prihvata i sporazum kandidata sa nadležnim poreskim institucijama o reprogramiranom, odnosno odloženom plaćanju obaveza, uz dostavljanje potvrde od strane poreskih organa da kandidat u predviđenoj dinamici izmiruje svoje reprogramirane obaveze.

Ukoliko ugovorni organ bude imao sumnje u postojanje okolnosti vezanih za ličnu sposobnost kandidata, ugovorni organ će se obratiti nadležnim organima s ciljem provjere dostavljene dokumentacije iz tačke 7. i Izjave iz tačke 7. TD.

Ugovorni organ će odbiti zahtjev za učešće ukoliko utvrdi da je ponudjač bio kriv za težak profesionalni propust počinjen tokom perioda od tri godine prije početka predmetnog postupka, koji ugovorni organ može dokazati na bilo koji način, posebno značajni i /ili nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica zbog namjere ili nemara privrednog subjekta određene težine.

### **3.2. Sposobnost obavljanja profesionalne djelatnosti (član 46. Zakona o javnim nabavkama BiH)**

Kandidat je u svrhu dokazivanja sposobnosti obavljanja profesionalne djelatnosti dužan dostaviti dokaz o registraciji u odgovarajućim profesionalnim ili drugim registrima zemlje u kojoj je registrovan ili da osigura potrebnu izjavu ili potvrdu nadležnog organa kojom dokazuje njegovo pravo da obavlja profesionalnu djelatnost koja je u vezi sa predmetom nabavke.

U svrhu dokazivanja uslova iz tačke 7.2. kandidat je dužan dostaviti:

- a) aktuelni izvod iz sudskog registra ili izjavu ili potvrdu nadležnog organa iz koje se vidi da je ponudjač registrovan za obavljanje djelatnosti koja je predmet ove nabavke u vrijeme predaje ponude,
- b) izjava ponuđača da ima ovlaštenje proizvođača opreme da pruža usluge iz predmeta javne nabavke

Dokaz pod a) se dostavlja kao neovjerena kopija originala s tim da datum izdavanja originala ne može biti stariji od tri mjeseca računajući od dana dostavljanja ponude.

Dokaz pod b) se dostavlja kao original.

#### *Prilozi:*

Prilozi su sastavni dio Tenderske dokumentacije.

Prilozi koji se dostavljaju uz zahtjev za učešće :

- **Prilog broj 1:** OBRAZAC ZA DOSTAVLJANJE ZAHTJEVA ZA UČEŠĆE U PREGOVARAČKOM POSTUPKU NABAVKE BEZ OBJAVE OBAVJEŠTENJA
- **Prilog broj 2:** Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama BiH
- **Prilog broj 3:** Izjava o nedavanju mita i neučestvovanju u radnjama koje za cilj imaju korupciju iz člana 52. stav (2) Zakona o javnim nabavkama BiH
- **Prilog broj 4.** Obrazac povjerljive informacije

**Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila:**

Kandidat **“Wizard Health“ d.o.o. Mostar** dostavio sljedeća tražena dokumenta:

- Naslovna strana, dostavljanje zahtjeva za učešće u postupku nabavke usluga, na memorandum ponuđača;
- Specifikacija dostavljenih dokumenata, na memorandumu ponuđača, potpisana i ovjerena od strane ovlaštene osobe;
- Osnovni podaci o ponuđaču, na memorandumu ponuđača, potpisani i ovjereni od strane ovlaštene osobe;
- Obrazac za dostavljanje zahtjeva za učešće sa sadržajem ponude, **Prilog broj 1**, popunjen, potpisan i ovjeren od strane ovlaštene osobe;
- Izjava o ispunjenosti uvjeta iz člana 45. stav (1) tačke od a) do d) ZJN, ovjerena kod nadležnog organa, **Prilog broj 2;**
- Uvjerjenje Općinskog suda u Mostaru, broj: Su-uvip 9/2020. od 06.04.2020. godine o činjenicama iz službene evidencije, da protiv ponuđača nije vođen kazneni-krivični postupak odnosno nije donesena pravosnažna osuđujuća presuda, u smislu **čl.45.st.2 tačka a) ZJN** BiH, ovjereno od strane nadležnog organa dana 10.04.2020. godine;
- Uvjerjenje Općinskog suda u Mostaru, broj: SU-uvip 918/2020. od 06.04.2020. godine o činjenicama iz službene evidencije, da je uvidom u CCMS i RNK i PE utvrđeno je da su „Wizard Healt“ d.o.o. Mostar proglašeni krivim u prekršajnom postupku rješenjem ovog suda broj 58 0 Pr 198296 18 Pr od 30.03.2018. ovjereno od strane nadležnog organa dana 10.04.2020. godine,
- Potvrda Općinskog suda u Mostaru, broj: Su. uvip 920/2020. od 06.04.2020. godine o činjenicama iz službene evidencije, da ponuđač nije predmet stečajnog postupka, postupka likvidacije, u smislu **čl.45.st.2 tačka b) ZJN** BiH, ovjerena od strane nadležnog organa dana 10.04.2020. godine,
- Potvrda Općinskog suda u Mostaru, broj: Su. uvip 921/2020. od 06.04.2020. godine o činjenicama iz službene evidencije, da ponuđač nije predmet stečajnog postupka, postupka likvidacije, u smislu **čl.45.st.2 tačka b) ZJN** BiH, ovjerena od strane nadležnog organa dana 10.04.2020. godine,
- Uvjerjenje Porezne uprave Federacije, Porezna ispostava Mostar, broj: 13-7/1-12-3967-1/20 – O.Š. od 09.04.2020. godine da ponuđač nema duga po osnovu javnih prihoda, original;
- Uvjerjenje U i O BiH, Regionalni centar Mostar, broj: 02/6/III-16-11-2-2196/20 od 28.05.2020. godine da ponuđač nema neizmirenih obaveza po osnovu indirektnih poreza, kopija ovjerena od strane nadležnog organa dana 09.06.2020. godine,
- Aktuelni izvod iz sudskog registra, Općinski sud u Mostaru, od 03.04.2020. godine, ovjerena kopija dana 10.04.2020. godine,
- Izjava ponuđača da je proizvođač i ekskluzivni vlasnik autorskih prava za održavanje servisiranje i nadogradnju aplikativnih rješenja implementiranih u JU KBZ, potpisana i ovjerena od strane ovlaštene osobe;
- Pismena izjava iz člana 52. ZJN, ovjerena kod nadležnog organa dana 09.06.2020. godine, **Prilog broj 3;**
- Obrazac za povjerljive informacije, **Prilog broj 4**, popunjen, ovjeren i potpisan od strane ovlaštene osobe,
- Izjava ponuđača da je ekskluzivni vlasnik autorskih prava za održavanje servisiranje i nadogradnju aplikativnog softvera RGB ANALYSIS - MIKROBIOLOGIJA implementiranog u JU KBZ, potpisana i ovjerena od strane ovlaštene osobe;
- Izjava ponuđača da je ekskluzivni vlasnik autorskih prava za održavanje servisiranje i nadogradnju aplikativnog softvera RGB RENOVATIO - TRANSFUZIJA implementiranog u JU KBZ, potpisana i ovjerena od strane ovlaštene osobe;
- Izjava ponuđača da je ekskluzivni vlasnik autorskih prava za održavanje servisiranje i nadogradnju aplikativnog softvera RGB ANALYSIS - LABAROTORIJA implementiranog u JU KBZ, potpisana i ovjerena od strane ovlaštene osobe;
- Izjava ponuđača o angažovanom tehničkom osoblju sa navedenom stručnom spremom, potpisana i ovjerena od strane ovlaštene osobe;

- Izjava ponuđača o funkcionalnosti i raspoloživosti sistema, potpisana i ovjerena od strane ovlaštene osobe; ovjerena od strane nadležnog organa dana 09.06.2020. godine,
- Izjava ponuđača o odzivu i raspoloživosti servisa – 12 mjeseci na projektu, potpisana i ovjerena od strane ovlaštene osobe;
- Izjave ponuđača tražene tačkom 6. Tenderske dokumentacije (po zahtjevima za tehničku i servisnu podršku), potpisana i ovjerena od strane ovlaštene osobe;
- Izjava/spisak osoba sa pristupom sistemu kroz podršku, potpisana i ovjerena od strane ovlaštene osobe;
- Izjava o povjerljivosti i privatnosti, potpisana i ovjerena od strane ovlaštene osobe;
- Izjava o povjerljivosti i privatnosti - Aldin Ljevo, potpisana i ovjerena od strane lica koje daje izjavu;
- Izjava o povjerljivosti i privatnosti - Arman Brekalo, potpisana i ovjerena od strane lica koje daje izjavu;
- Izjava o povjerljivosti i privatnosti - Azer Abaz, potpisana i ovjerena od strane lica koje daje izjavu;
- Izjava o povjerljivosti i privatnosti - Senad Dževlan, potpisana i ovjerena od strane lica koje daje izjavu;
- Izjava o povjerljivosti i privatnosti - Miro Dušić, potpisana i ovjerena od strane lica koje daje izjavu;
- Izjava o povjerljivosti i privatnosti - Sead Brkan, potpisana i ovjerena od strane lica koje daje izjavu;
- Sadržaj ponude, na memorandumu ponuđača, potpisani i ovjereni od strane ovlaštene osobe;

**Komisija pristupa analizi i procjeni kvalifikacija kandidata “Wizard Health“ d.o.o. Mostar konstatuje da je kandidat dokazao svoju kvalificiranost, jer je utvrđeno da je zahtjev za učešće uvezan na način utvrđen T.D., da je ponudjač dostavio sve dokumente, obrasce i izjave tražene tačkom 5. TD o ispunjavanju kvalifikacionih uslova traženih u pogledu lične, profesionalne i tehničke sposobnosti ponudjača, kao i u pogledu uslova isporuke. Komisija utvrđuje da kandidat zadovoljava kvalifikacione uvjete te će biti pozvan da dostavi inicijalnu ponudu dana 26.06.2020. godine.**

**II Uvidom u Inicijalnu ponudu, uslove propisane TD i suštinskom provjerom sadržaja i validnosti dokumentacije, Komisija je utvrdila da je ponuđač uz Inicijalnu ponudu dostavio sljedeća tražena dokumenta:**

- Naslovna strana, ponuda,
- Popis dokumenata uz ponudu koji čini sadržaj ponude,
- Osnovni podaci o ponuđaču,
- Obrazac za dostavljanje inicijalnu ponudu – Prilog broj 1
- Obrazac za cijenu inicijalne ponude –Prilog broj 2
- Ponuda, 20-010-000034 od 24.06.2020. godine,
- Izjava dobavljača o prihvatanju garancije za dobro izvršenje ugovora - Prilog broj 3
- Parafiran i potpisan nacrt ugovora- Prilog broj 4
- Izjava o prihvatanju općih i posebnih uslova tenderske dokumentacije -Prilog broj 5
- Izjava kandidata o prihvatanju mjesta isporuke, saglasno tački 4.TD;
- Izjava kandidata o prihvatanju roka isporuke, saglasno tački 5.TD;
- Izjava ponuđača o važenju ponude od 120 dana, saglasno tački 6.9.TD;
- Izjava kandidata o prihvatanju roku i načinu plaćanja, saglasno tački 9.TD;
- Izjava ponuđača o nepromjenjivosti cijena za vrijeme trajanja ugovora
- Izjava ponuđača o rezidentima,
- Popis dokumenata uz ponudu koji čini sadržaj ponude.

**Komisija za nabavku je uvidom u Obrazac za cijenu Inicijalne ponude kandidata “Wizard Health“ d.o.o. Mostar, utvrdila da je ponuđena cijena 3.690,00 bez PDV-a na mjesečnom nivou, odnosno ukupna cijena ponude je 44.280,00 KM bez PDV-a na godišnjem nivou.**

Komisija je utvrdila da je ponudjač dostavio sva tražena dokumenta te da se može pristupiti pregovorima sa istim. Pregovori će se obaviti odmah nakon završetka ocjene Inicijalne ponude. Sastanak završen u 12,10 sati.

Pregovori sa kandidatom održani su istog dana u 12,15 sati.

Komisija je pozvala predstavnika ponuđača da se očituje u pogledu davanja popusta na ponuđenu cijenu u inicijalnoj ponudi.

**Ponuđač je u vezi Inicijalne ponude izjavio sljedeće: *Ostajemo pri cijeni datoj u Inicijalnoj ponudi. Eventualne popuste ćemo iskazati u Konačnoj ponudi.***

Komisija je nakon pregovora obavijestila ponudjača da će biti pozvan da dostavi svoju konačnu ponudu dana **30.06.2020. godine, (utorak), do 12,00 sati** na bazi uvjeta koji su razmotreni na pregovorima.

**Uvidom u Konačnu ponudu, uslove tražene Pozivom i suštinskom provjerom sadržaja i validnosti dokumentacije, Komisija je utvrdila da je ponuđač uz Konačnu ponud dostavio sljedeća tražena dokumenta:**

- Naslovna strana na memorandumu ponuđača, potpisana i ovjerena od strane ovlaštene osobe
- Specifikacija dostavljenih dokumenata, potpisana i ovjerena od strane ovlaštene osobe;
- Osnovni podaci o ponuđaču, na memorandumu ponuđača, potpisani i ovjereni od strane ovlaštene osobe;
- Obrazac za dostavljanje konačne ponude-**Prilog 1**
- Obrazac za cijenu konačne ponude- **Prilog 2**
- Ponuda broj 20-010-000034 od 29.06.2020.
- Sadržaj ponude, na memorandumu ponuđača, potpisan i ovjeren od strane ovlaštene osobe

**Komisija za nabavku je uvidom u Obrazac za cijenu KONAČNE ponude kandidata "Wizard Health" d.o.o. Mostar, utvrdila da je ponuđena cijena 3.690,00 bez PDV-a na mjesečnom nivou, odnosno ukupna cijena ponude je 44.280,00 KM bez PDV-a na godišnjem nivou.**

Također, tenderskom dokumentacijom planirano je provođenje e-aukcije. Obzirom da je nakon provjere kvalificiranosti ponuđača utvrđeno da samo jedan ponuđač ispunjava kvalifikacione uslove tražene TD provođenje e-aukcije (koliko je se i prijavilo) u tom slučaju se ne provodi iz objektivnih razloga, u skladu sa odredbama Pravilnika o uslovima i načinu korištenja e-aukcije (Službeni glasnik BiH, broj 66/16) i kriterijima za dodjelu ugovora definisanim tenderskom dokumentacijom.

**Komisija jednoglasno donosi preporuku da se Direktor JU Kantonalna bolnica Zenica predloži donošenje odluke o izboru ponudjača "Wizard Health" d.o.o. Mostar, kao najpovoljnijeg i jedinog ponudjača za nabavku nabavka usluga - Održavanje i servisiranje LIS-a, modul transfuzija, laboratorija i mikrobiologija u JU Kantonalna bolnica Zenica (32-N-59/20) te zaključivanje ugovora sa odabranim ponuđačem na period od jedne godine na ukupnu vrijednost konačne ponude od 44.280,00 KM bez uračunatog PDV-a.**

Na osnovu gore navedenog, donesena je odluka kao u dispozitivu.

**Pouka o pravnom lijeku:**

Protiv ove odluke može se uložiti žalba  
Kantonalnoj bolnici Zenica u roku od 10  
/deset/ dana od dana prijema iste.

  
**DIREKTOR**  
*Rasim Skomorac*  
**Prof.dr.sc.prim Skomorac Rasim**  
*Anela J. Anifanović*

